



Agency for Development of Higher Education and Quality Assurance of Bosnia and Herzegovina

Broj: 05-33-1-99- 5 /19
Banja Luka, 12.3.2019. godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), u postupku akreditacije visokoškolske ustanove **Univerzitet za poslovne studije Banja Luka**, na osnovu prijedloga Agencije za akreditaciju visokoškolskih ustanova Republike Srpske, direktor Agencije za razvoj visokog obrazovanja i osiguranje kvaliteta Bosne i Hercegovine donosi:

RJEŠENJE

o imenovanju Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa

1. Imenuje se Komisija domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa (u daljnjem tekstu: Komisija stručnjaka) u postupku akreditacije visokoškolske ustanove Univerzitet za poslovne studije Banja Luka u sljedećem sastavu:
 - 1) Prof.dr Zdravko Todorović, predstavnik akademske zajednice, predsjednik Komisije stručnjaka;
 - 2) Prof.dr Božo Vukoja predstavnik privrede i prakse, član Komisije stručnjaka;
 - 3) Branko Rakita, međunarodni stručnjak, član Komisije stručnjaka i
 - 4) Lejla Hairlahović, student, član Komisije stručnjaka.
2. Komisija stručnjaka iz tačke 1. u postupku akreditacije postupat će na osnovu Okvirnog zakona o visokom obrazovanju u Bosni i Hercegovini, Odluke o normama kojima se određuju minimalni standardi u području visokog obrazovanja („Službeni glasnik BiH“, broj 100/11), Odluke o izmjenama i dopunama odluke o normama kojima se određuju minimalni standardi u području visokog obrazovanja koja je stupila na snagu 8.3.2019. godine, Odluke o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, br. 96/16), Odluke o kriterijima za akreditaciju studijskih programa prvog i drugog ciklusa studija u Bosni i Hercegovini („Službeni glasnik BiH“, broj 47/17), drugih dokumenata Agencije kojima je uređen postupak akreditacije, kao i propisima Agencije za akreditaciju visokoškolskih ustanova Republike Srpske kojima je uređen proces osiguranja kvaliteta visokoškolskih ustanova i studijskih programa.
3. Komisija stručnjaka u postupku ocjene kvaliteta visokoškolske ustanove uzima u obzir prethodno date ocjene o kvalitetu studijskih programa sadržane u izvještaju, odnosno drugom dokumentu koji odražava smisao izvještaja stručnjaka o studijskom programu.

4. Komisija stručnjaka dužna je u roku od najduže 30 dana od imenovanja sačiniti nezavisan Izvještaj o eksternoj evaluaciji visokoškolske ustanove i studijskog programa koji treba biti napisan jasno i razumljivo, na jednom od službenih jezika u Bosni i Hercegovini i na engleskom jeziku, bez naznake bilo kakvog sadržaja koja upućuje na zavisnost rada Komisije stručnjaka od nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta.
5. Komisija stručnjaka dužna je konačni Izvještaj o eksternoj evaluaciji visokoškolske ustanove i studijskog programa dostaviti Agenciji za razvoj visokog obrazovanja i osiguranje kvaliteta Bosne i Hercegovine i nadležnoj obrazovnoj vlasti koja je predložila imenovanje Komisije stručnjaka.
6. Rješenje se dostavlja imenovanim članovima Komisije stručnjaka i nadležnoj obrazovnoj vlasti radi zaključivanja ugovora sa svakim članom Komisije kojim se preciznije razrađuju prava i obaveze ugovornih strana.
7. Rješenje stupa na snagu danom donošenja.

O b r a z l o ž e n j e

Agencija za akreditaciju visokoškolskih ustanova Republike Srpske dostavila je 06.03.2019. godine Prijedlog za imenovanje komisije stručnjaka za akreditaciju visokoškolske ustanove Univerzitet za poslovne studije Banja Luka, broj: 01/1.5.40-2-5/18 od 04.03.2019. u kojem je predloženo da Agencija za razvoj visokog obrazovanja i osiguranje kvaliteta Bosne i Hercegovine (u daljnjem tekstu: Agencija) imenuje Komisiju stručnjaka koja će obaviti posjetu visokoškolskoj ustanovi Univerzitet za poslovne studije Banja Luka i, na osnovu utvrđenog stanja, dati preporuku o ishodu akreditacije predmetne visokoškolske ustanove.

Cijeneći sadržaj podnesenog prijedloga, a postupajući u skladu s Instrukcijom o načinu imenovanja komisije stručnjaka za akreditaciju, broj 05-02-1-71-1/16 od 28.01.2016.godine Agencija je utvrdila sljedeće činjenično stanje. Na osnovu uvida u Listu stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa, koja je dostupna na internet stranici Agencije, utvrđeno je da se predloženi članovi Komisije nalaze na utvrđenoj Listi stručnjaka. Dalje, provjerom dostupnosti predloženih stručnjaka i sukoba interesa u pogledu visokoškolske ustanove koja je predmet eksterne evaluacije, utvrđeno je da predloženi stručnjaci nisu u sukobu interesa s visokoškolskom ustanovom koja je predmet eksterne evaluacije i da su isti dostupni u narednom periodu u kojem se ima obaviti posjeta visokoškolskoj ustanovi i sačiniti Izvještaj o eksternoj evaluaciji visokoškolske ustanove i studijskih programa.

Komisija stručnjaka u postupku akreditacije visokoškolske ustanove Univerzitet za poslovne studije Banja Luka i studijskih programa dužna je primjenjivati Okvirni zakon o visokom obrazovanju u Bosni i Hercegovini kojim su propisane nadležnosti učesnika u postupku akreditacije, Odluku o normama kojima se određuju minimalni standardi i Odluku o izmjenama i dopunama odluke o normama kojima se određuju minimalni standardi u području visokog obrazovanja u Bosni i Hercegovini (u daljnjem tekstu: Odluka o normama) kojim je detaljnije regulisan način rada komisije stručnjaka i sadržaj Izvještaja o eksternoj evaluaciji. Dalje, Komisija stručnjaka dužna je primjenjivati Odluku o kriterijima za akreditaciju visokoškolskih ustanova u Bosni i Hercegovini kojom su utvrđeni kriteriji čiju ispunjenost provjerava Komisija prilikom posjete visokoškolskoj ustanovi i ocjenu usaglašenosti visokoškolske ustanove sa kriterijima Komisija stručnjaka detaljno opisuje u svom Izvještaju.

www.hea.gov.ba, e-mail: info@hea.gov.ba

BA – 78000 Banja Luka, Akademika Jovana Surutke 13, Tel.: +387 51 430 510, Fax: +387 51 462 302

Komisija je dužna u svom radu primjenjivati Odluku o kriterijima za akreditaciju studijskih programa prvog i drugog ciklusa studija u Bosni i Hercegovini i prilikom procjene usklađenosti kvaliteta rada visokoškolske ustanove uzeti u obzir i razmotriti ocjene o kvalitetu studijskih programa koje su utvrđene u Izvještaju stručnjaka o studijskim programima, odnosno u drugom odgovarajućem dokumentu koji ima smisao izvještaja o studijskim programima.

Također, Komisija stručnjaka u svom radu primjenjivat će i zakonske i podzakonske akte koji regulišu oblast osiguranja kvaliteta visokoškolskih ustanova na području Republike Srpske.

Odlukom o normama propisano je da vanjsko osiguranje kvaliteta treba biti organizirano tako da se odluke o kvalitetu donose nezavisno od nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta, izbjegavajući bilo koji sukob interesa. Slijedom navedenog, imenovana Komisija stručnjaka, kao nezavisno tijelo, dužna je sačiniti Izvještaj o eksternoj evaluaciji koji treba biti napisan jasno i razumljivo, na jednom od službenih jezika u Bosni i Hercegovini i na engleskom jeziku, bez naznake bilo kakvog sadržaja koja upućuje na zavisnost rada Komisije stručnjaka od nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta (memorandum, logotip i dr.).

Konačan Izvještaj o eksternoj evaluaciji Komisija stručnjaka dostavlja Agenciji i nadležnoj obrazovnoj vlasti koja je predložila imenovanje. Na osnovu dostavljenog Izvještaja o eksternoj evaluaciji, u kojem je sadržano mišljenje Komisije stručnjaka o ishodu akreditacije visokoškolske ustanove i studijskih programa, Agencija daje preporuku o ishodu akreditacije nadležnoj obrazovnoj vlasti na osnovu koje se donosi rješenje o ishodu akreditacije visokoškolske ustanove i studijskih programa.

Ovo Rješenje se dostavlja imenovanim članovima Komisije stručnjaka i nadležnoj obrazovnoj vlasti radi zaključivanja ugovora sa svakim članom Komisije kojim će se preciznije regulisati prava i obaveze ugovornih strana i utvrditi tačan iznos naknade za rad Komisije stručnjaka.

Pravna pouka:

Protiv ovog Rješenja može se izjaviti progovor direktoru Agencije u roku od 8 dana od dana prijema.

Dostavljeno:

1. Imenovanim članovima
Komisije stručnjaka
2. HEAARS
3. Sektoru 05
4. arhivi

DIREKTOR
Prof. dr. Enver Halilović